捣藻堂四庫全

書薈

要要

集部

欽定四庫全書 曾要集成全集卷九十二

詳校官助教臣常循

老而言也凡九六為老七八為少其說未之聞也或曰 少陰故乾之策二百一十有六坤之策百四十有四取 四數之得九為老陽得六為老陰得七為少陽得八為 欽定四庫全書養要卷一萬四千九百二十四母部 **慢為一變三變而一爻六爻為十八變也三變之餘** 東坡全集卷九十二 解一首 易鮮十八變而成 東坡全集 宋 蘇軾 撰

當老 曷 地 書 隂 極 且 逆 有 於八而少於六也 於九其次則七也 而 行之學則 壯 而 進 於 陽 於 下其成數 也 知 2 而 曰 而 退 亥 聖人豈 隂 陰 始 與逆 不可 然以為易固言之矣十有八變 於 極 極 則 狼 於 得 者為老其次為少則當老 順 姤 又曰 加 六自下而 與 之别 於 而 陽 於 終 陽故十不用十 其 乎且 於 順 乾 上 間 而上其成 夫 隂 而 坤者 自 陽 制 其予 紙 隂 均 而 數 不 猶 也 李哉 然 稺 用 極 陽 者 猶

熕

匹

庳

生き

卷

九

九故 而 也變之初有多少其一變也不五則九其二與三也不 三變皆少則 四 "卦八卦而小成則十八變之間有八卦馬人莫之思 之象也震坎艮所以為少陽而四數其餘得七故 則八八與九為多五與四為少多少者奇耦之象也 數 ソス 九名之三變皆多則坤之象也坤所以為老陰 餘得六故以六名之三變而少者一則震 乾之象也乾所以為老陽而四數其餘得 坎 ソス

七名之三變而多者一則異雜死之象也異雜見所以

東坡全集

足日車至馬

孟子曰仁者如射發而不中反求諸身吾當學射矣始 者幸也有善射者教吾反求諸身手持權衙足蹈規矩 也常志於中目存乎鵠手往從之十發而九失其一中 在乎三變之間八卦之象也此唐一行之學也 因餘數以名陰陽而陰陽之所以為老少者不在是而 少陰而四數其餘得八故以八名之故七八九六者 說七首 仁說

卷九十二

故 也 則 四 肢 害 自克自克而 君子之於仁盡 曰 孟子之 百軆 不 於 於仁者盡 期中目不存鵠十於十中矣四肢百體一不 此者在毫釐之内 皆有法馬一法不脩 所 反於禮一日足矣 謂 而仁不可勝 仁者如 力而求之有不獲馬退而求之身 而 射 失於 用 則 故曰 孔子之所謂克己復 疾隨之病盡而法 何也凡害於仁者盡 彼者在尋丈之外 非 禮 勿 視 非 禮 如

聽

禮勿言

非

·禮勿動一不

如

禮

在我者甚微

而

民

有

勿

きり車

È

ALIO .

東坡全集

皆平日可畏人也擠我於檢者皆異時可喜人也吾是 惡其不仁也吾平生多難常以身試之凡免我於厄者 孔子曰剛 此故也 得其死者矣非禮之害甚於殺不辜不仁之禍無大 知剛者之必仁佞者之必不仁也建中靖國之初吾 者非好其剛也好其仁也所惡夫佞者非惡其佞 岡川 殺木的近仁又曰巧言令色鮮矣仁所好夫 說

由 君 趨 例 為 京口方新法之初監司旨 出 司 自 '當得 人則 君 條 岩 海南見故人問存沒追論平生所見剛者或不 為 孫君介夫諱立節者真可謂 例司屬 亦不 開 鎮 江軍書記吾時通守錢 敏 肯為係 官以議不合引去王荆公謂 如子者君笑曰公過矣當求勝 例司矣公不答 新進少年馭吏如東濕 塘 剛者也始吾弟 徑 往來常潤 起入户君 君曰吾 我者 間 亦 條 不

禮遇士大夫

而 獨

憚

君曰是抗丞

相

不肯為

東皮全集 敬

欽 君言十二人皆不死或以遷官吾以是益 例 矣餘人可盡 **散當論情吏當守法逗撓不進諸** 二人付 定 也不仁而能以一言活十二人於必死乎方孔子時 司 八四庫 者 節度判官被旨鞫吏士有罪者麟因收大小使 何與馬麟奏君 謝 全書 君并 麟經 一戮乎若必欲以 制 按且盡斬之君持 溪洞事宜州守王奇與蠻戰死君為 抗 拒 君亦奏 非法斬人則 不可麟以語侵君 將 侵 罪也既伏其辜 獄 事 經制司自 知剛者之 ,刑部定 臣 君

鄙 太 田) 剛 謂 夫思失者也君平生可紀者甚多獨書此二事遺其 :勴明 而多則可以更 觀於富人之稼乎其田美而多其食足而 而 岡门 多君子而曰未見剛者以明其難得如此而世 懼之以 則 折士患不剛耳長養成就 說 剛 者 送 折 張 之必仁以信 耶 琥 休 折不折天也非剛之罪為此論 而 地力得完其食足而 孔子 說 猶 恐不足當憂其 有 有 餘 餘 者

東皮全集

也 魚鮮 歃 女口 此 豈能 嬰兒之望長 之常不後時 定 克三十而後仕五十而後爵信 而多實久藏 四庫 而地力 而 復 取之日夜以望之鋤 居 全書 人有美稼 所 鸿 以自養而 矣 而 也弱者養之 而 飲之常及其熟故富人之稼常美 不 哉古之人其才非 種之常不及時 腐今吾十口之家而共百畝之 不 敢 耰)以至 经艾. 用以待其成者関 於 而 於久屈之中而 相 飲之常不待 有以大過今之 岡川 尋於其上者 虚者養之以 関 用 如 田

钦 也吾今雖欲自以為不足而衆且妄推之矣嗚呼吾子 學不幸而早得與吾子同年吾子之得亦不可謂不 至足之後流於既溢之餘而發於持滿之末此古之人 定四軍全書 亦以是語 以大過人而今之君子所以不及也吾少也有志於 此 此矣子歸過京師而問馬有曰轍子由者吾弟也 文與可字說 而務學也哉博觀而約 Ž 東坡全集 取厚積而薄發吾告子

賢於所 也可者與之其不可者拒之子張曰君子尊賢而容 恥夫何惡之有君子不惡人亦 不惡於人子夏之 者惡之足以為君子乎曰未也孔子為問者言也 人皆好之何如曰未可也鄉人皆惡之何如曰未可 如 鄉人之善者好之其不善者惡之善者好之 矜 問者而已君子之居 不能我之大賢欺於人何 鄉也善者以勘不善者 所不容我之

敷人將拒我如之何其拒人也子張之意豈不曰

茍 君 其可者而不可者自遠乎使不可者而果遠也則其為 為無意於拒則可者與之雖孔子子張皆然吾友文 拒為子張者也與可之為人也守道而忘勢行義而 名同 有意於拒 也甚矣而子張何惡於拒也曰惡其有意於拒也夫 脩德而忘名與為不義雖禄之十垂不顧也雖 孺悲也非拒殿曰孔子以不屑教 字與可或曰為子夏者數曰非也取其與不取 則天下相率而去之吾誰 誨者也非拒 與 居然則

AND THE PARTY OF THE

東坡全集

セ

未當有惡於人人亦莫之惡也故曰與可為子張者也 楊薦字說

也若直曰飽暖而已則夫古之君子其無乃為紛紛而 之君子佩玉而服鼓戴冕而垂旒一獻之禮賔主百拜 樓而後食夫所為飲食者為飽也所為衣服者為暖 君以其所名薦請字於余余字之尊已而告之曰古

俯

間若是足以已矣而心為之節文故其所以養其身

·而過當耶盖君子小人之分生於足與不足

者甚周而其所以自居者甚高而可畏凛乎其若處女 地 此 仁者不敢至於其墻不義者不敢過其門惟其所為者 之 止於足以已矣之間 觀 而已矣籍之用茅何谷之有地非不足錯也而必茅 之所以自尊也易曰籍用白茅無谷孔子曰芍錯 之凡世之所謂紛紛而無益迂闊而過當者皆君 関也兢兢乎其若懷千金之壁而行也夫是以不 則人亦狎之而輕加之以不義由

之為籍是君子之過以自尊也予欲楊君之過以自尊

東坡全集

故因其名薦而取諸易以為之字楊君有俊才聰明果 先生名之曰恕而其客蘇軾子瞻和仲推先生之意字 張 愚所共知而聖人之智所不能易也一言而可以終身)曰厚之又曰忠甫且告之曰事有近而用遠言有約 有過於人而余獨憂其所以自爱重者不至而已矣 義博者渴必飲饑必食食必五穀飲必水此夫婦 厚之忠甫樂全先生子也美才而好學信道而篤志 張厚之忠甫字說

戶匹庫在書 ►

之道也故曾子曰夫子之道忠恕而已矣而孔子亦曰 如 君臣父子夫婦朋友之間無所適而不可是饑渴飲 各豈非 不能恕 有 之者恕也仁者得之而後仁知者得之而後智施之 能加豪末於此矣然而曾子謂之忠恕詩人謂 周公之才之美使驕且各其餘不足觀也已夫驕 雖周公不足觀也先生之所以遺子者至 不恕而已乎人而能恕也雖孔子可庶幾 食

忠厚以吾觀之忠與恕與厚是三言者聖人之所謂

東坡全集

謂穀米謂米飯則不可故吾願子貫三言而并佩之 道也或謂之穀或謂之米或謂之飯此豈二物也哉 人之意也先生之意也 忠乎自反而恕矣厚矣忠矣然後從之此孔子曾子詩 有為也将有言也必反而求之曰吾未恕乎未厚乎未 有天下百餘年所與分天工治民事者皆取之疎遠 微而不私其親故宗室之賢未有以熟名聞者神 趙徳 心麟字說 將 秋、

舉之法所以封植而琢磨之者甚備行之二十年而文 司馬遷 之用瑚 越王之孫華原公之子簽書君令時遊得其為人博 帝實始慨然欲出其英才與天下共之增立教養 之器彬彬 文篤 武帝幸雍祠五時獲白麟以薦上帝作白麟 行 **璉之貴将公** 班固書曰獲一角獸盖麟云盖之為言疑 稍 而剛信於為道而敏於為政予以為有 見馬元祐六年予自禁林出守汝南 顯聞於天下非特 佳公子而

東坡全集

富貴為浮雲而文章議論載其令名而馳之既 宗 麟 病矣又可得逃乎敬字君德麟而為之說 夫獸而一角 與是形此 所以致麟者歌漢有一汲照而武帝不能用乃以 室之賢而主上虚己盡下求人如不及四方之符 赤鴈為祥二子非疑之盖陋之也今先帝立法以出 不聞此真獲麟者也麟固不求獲不幸而有是 麟之所病也今君學道觀妙澹泊自守 固麟矣二子何疑馬豈求之武帝而 有麟 白 瑞

老九十二

縣倖直以亡身則縣盖剛而犯上者耳若四族者誠皆 放雕兜於崇山以變南蠻遷三苗於三危以變西戎 惡則必見誅於堯之世不待舜而後誅明矣屈原有云 記本紀舜歸而言於帝請流共工於幽陵以變比 可考以正自漢以來儒者失之四族者若皆窮姦 於羽山以變東夷太史公多見先秦古書故其言時 堯不誅四凶 極 殛

東坡全

集

評史四十六首

族 魯司冠墮郎 聖人之所 尹去亳適夏既醜有夏復歸於亳伊尹為政於商既貳 朝而不能去則堯不足為堯矣 如左氏之所言皆後世流傳之過若堯之世有大姦 之誅皆非誅死亦不廢棄但遷之速方為要荒之君 伊尹五就祭 能有絕人者不可以常情疑其有無孔子為 **墮費三桓不疑其害己非孔子能之乎伊**

鉑

定匹庫全書

小人也則安能用之以變四夷之俗哉由此觀之則四

巻九十二

言 惟 於夏矣以禁之暴戾處其執政而不疑往來兩國之 伊尹往來雨 復其位太甲不疑皆不可以常情 商人父師之非聖人能如是乎是以廢太甲太甲不 禪位蜀人豈有異辭哉讀柳宗元五就禁贅終篇皆 湯之當王也久矣伊尹何疑馬殊能改過而免 葛亮近之玄德將死之言乃真實語也使孔明 成幾也能用伊尹而得志於天下雖至愚知其不 國之間豈其有意教海禁而全其國 斷其有無也後世

李斯上書諫二世其略曰田常為簡公臣布惠施德 何 孔子曰參乎吾道一以貫之曾子曰唯子出門人問曰 然矣宗元意欲以此自解其從王叔文之罪也 方欲問其所謂此緊風捕影之流何足實告哉 謂 而自子之唯獨記於論語一唯之外口耳俱丧而 也曰夫子之道忠恕而已矣師弟子答問未嘗不 宰我不叛 曾参曰唯 門

釛

定匹庫全書

書究其所因則宰我不叛其驗甚明太史公固陋承 夷其族使吾先師之門乃有叛臣馬天下通祀者容 其間豈非千載不蠲之惑也即近今兒子邁考閱 常亂而滅 其實弟子傅妄也予 亂以夷其族孔子恥之李斯事首卿去孔子不透宜 百姓上得羣臣陰取齊國殺宰予於庭是宰予不從 其族太史公載宰我為臨淄大夫與田常 病太史公言宰我與田常作 植 疑

使宰我負冤千載而吾師與蒙其話

自茲一洗亦古

支之

之一快也 君奪民時以為臺而民非之無忠臣以掩其過也子 管仲分君誇

欽

定四庫全書

Ņ

老九十二

女問七百國人非之管仲故為三歸之家以掩公此 相而為司空民非子罕而善其君齊桓公宫中七

國策之言也蘇子曰管仲仁人也戰國策之言庶幾

子然世未有以為然者也雖然管仲之爱其君亦

矣不諫其過而務分誇馬或曰管仲不可諫也蘇子曰

知管 左 管仲之器 用之則行捨之則藏諫而不聽 氏云管仲之世祀也宜哉謂其有禮也而管子之 頟 匡天下微管仲吾其被髮左 見於齊者予讀其書大抵以魚鹽富齊耳予然 子所以無後於齊者孔子曰管仲相 不以兵車管仲之力也如其仁如其仁夫以孔 管 小哉 仲 無 不用而已矣故孔子曰 袵 矣又曰桓公九 桓公九合諸 合

東皮全集

為賈論子玉過三百乗必敗而卻克自謂不如先大夫 言多多盆 爭也如此桑弘羊減族韋堅王鉄楊慎於王涯之徒皆 不免於禍孔循誅死有以也夫 稱其仁丘明稱其有禮然不救其無後利之不可與民 八百乗将以用寡為勝抑以將多為賢也如淮陰侯 楚子玉以兵多敗 辦是用衆亦不易古人以兵多敗者不可勝

數如王尋符堅哥舒翰者多矣子玉剛而無禮少與之

鉱

定四庫全書

レス 害 戰國策為信凡史記所書大事而左氏無有者皆可 記司馬 之世當更徐考之 親 程嬰杵曰之類是也穰苴之事不可誣抑不在 則其去景公也遠矣太史公取戰國策作史記當 疑之戰國策司馬穰直為政者也問王殺之大臣 司 馬穰 穰苴齊景公時人也其事至偉而左氏不載 直 春

兵或能戒懼而不敗即

商 欽 偅 面 此亡故帝秦者商君也亡秦者亦商君也其生有南 定四庫全書 之福既足以報其帝秦之功矣而死有車裂之禍盖 足以價其亡秦之罰理勢自然無足怪者後之君子 以成帝業然其民見刑而不見徳知利而不知義 君之法使民務本力農勇於公戰怯於私關食足 商 君功罪

者吾為之懼矣元豐三年九月十五日讀戰國策書

商君之罪而無商君之功饗商君之福而未受其

雖 善 孟 亦憊矣二世而 ンス 洒 當君所質禮者至於狗盜皆以客禮食之其取士亦 殺 小痛而能堪也若不以漸一拔而得 用兵者破敵 矣 兒王翦以六十萬人取 然、 王朝 孟 微 皆君賔禮 此二人幾不脫於死當是時雖道德禮義之 用 敗坐此也夫 國當如小兒毀齒以漸摇撼而後取之 丘 狗 東坡全集 盗 ,荆此一抜 取齒之道也秦 齒 則 十六 取齒適足

此士也 鉑 士無所用之然道德禮義之士當救之於未危亦無用 盆於事盖先以疑似置齊人心中則夜見火牛龍文足 泰以暴虐焚詩書而亡漢與鑒其弊必尚寬德崇經術 以駭動取一時之勝此其本意也 田單使人食必祭以致鳥為又設為神師皆近兒戲無 定匹庫全書 歴代世變 田單火牛

之 極 之士故儒者多雖未知聖人然學宗經師有識義理者 褒尚名節之士故東漢之士多名節知名節而不能節 **衆故王莽之亂多守節之士世祖繼起不得不廢經** 與夷 以禮遂至於苦節苦節之士有視死如歸者苦節既 平之故隋唐混天下隋不可謂一天下第能驅除爾 故晉魏之士變而為曠蕩尚浮虚而亡禮法禮法既 狄同故五胡亂華夷狄之亂已甚必有英雄出

唐

有天下如貞觀開元問雖號治平然亦有夷狄之風

東坡全集

十七七

世 五代之亂漢之治過於唐漢有網正因問十世可知遂 杞子自鄭 此數論 子孫皆不可使玄宗才使肅宗便叛肅宗才使永王 網不正無父子君臣夫婦其原始於太宗也故其後 便反 以來國可得也移公訪諸蹇叔蹇叔曰勞師以襲遠 君不君臣不臣故藩鎮不實權臣跋扈陵夷有 秦穆公漢武帝 使告於秦曰鄭人使我掌其北門之管若潜

卷九十二

入也公使謂之曰兩何知中壽爾墓之木拱矣蹇叔 夏后 吾收爾骨馬漢武帝違安國而用王恢然卒殺 與師哭而遣之曰晋人御師必於殺我有二陵其南 東門之外蹇叔哭之曰孟子吾見師之出而不見其 十里其誰不知公解馬名孟明西乞白乙使出 聞也師勞力竭遠主備之勤而無取必有悖心 拿之墓也其北陵文王之所避風雨也必死是 恢是 師

有秦穆公違蹇叔之罪而無用孟明之德也

東皮全集

楚元王敬禮移生每置酒常為移生設體及王戊即位 嗷嗷然不聊生矣然史記封禪書云丁夫人維陽虞初 漢武帝諱巫蠱之事疾如仇讐盖夫婦君臣父子之間 等以方祠祖匈奴大死已且為巫蠱之魁何以責其下 此最可笑云 漢武帝巫蟲事 穆生去楚王戊

常設後忘設馬移生退回可以近矣醴酒不設王之意

君 豈為區區之禮哉遂謝病去申公白生獨 急楚人將鉗我於市稱疾即申公與白生强起之曰獨 公愧之歸魯教授不出門巴而趙綰王臧言於武帝 不念先王之德數今王一旦失小禮何足至此移生曰 安車浦 存故也今而忽之是亡道也亡道之人胡可與久處 子見幾而 與吳通謀二人諫不聽衣之赭衣使杵曰春於市中 輪 作 召卒坐臧事病免移生遠引於未萌之前 不俟終日先王所以禮吾三人者為道 留王戊科 滛

東坡全集

班固有言當孝文時天下以酈寄為賣友夫賣友者謂 必然也可書之座右為士君子終身之戒 而申公眷戀於既悔之後謂禍福皆天不可避就者未 定匹庫全書 一 酈寄幸免

稷義存君親可也予曰當是時寄不得不賣友也罪 利而忘義也若寄父為功臣而又執劫摧日禄以安

在於寄以功臣子而與國賊遊且相厚善也石碏之子

厚與州吁遊借禁之不從卒殺之君子無所譏曰大義

未能有所建明立終毫之善以自贖也而創開西南夷 使邦君負弩先驅豈詩人致恭桑梓萬石君父子下 馬長卿始以方行不齒於蜀人既而以賦得幸天子 一君之惡以患苦其父母之 邦乃復於其車服節在之 門之義子卓王孫暴富遷虜也故敢而喜耳魯多君 固又為洗賣友之穢固之於義陋矣 親酈商之賢不及石碏故寄得免於死古之幸人也 司馬相如創開西南夷路

東坡全集

=|

司 子何喜之有 司 馬 相 如之諂死而不已

定 四庫

全書

以逃大可笑其諭蜀父老云以 病 相 如觀吉意欲與相如為率錢之會耳而 使 相 使謝吉及卓氏為具相如又稱病不往吉自 如 歸 臨邛令王吉謬為恭敬日往朝 諷天子以今觀之 祖如遂霜 徃

稱

迎

幾始於勸

能

如真可謂小人也哉司馬相如語事漢武開西

矣論諛之意死而

不已

猹

作

獨

實嬰田蚡 鄙 也 列 仙之 辰八月二十 儒 蜜異嬰田蚡 孺 俱 居山澤間形容甚雕此殆得道人也而 子何 好 E 足以知之若賈生 雅 過欲以侈言漢武帝意也夫 推較 趙 王臧 鵬 迎魯申公欲設 賦真知大人者 相

及病

且死

植草封禪書此可謂死

而不已者

堂

倭

就

國

除

树

以禮

服 制]

欲以與太平會太后

東皮全集 為

哉申公始不能用移生言為楚人所唇亦可以少懲矣 嬰既沾沾自喜蚡又專為姦利太平豈可以文致力成 歃 晚乃為嬰蚡起又可以一笑鳳凰翔於千仞烏鳶彈射 王恢與韓安國論擊匈奴上前至三乃後安國初持不 不去誠非虚語也 可擊甚堅後乃云意者有他謬巧可以擒之則臣不可 定四庫全書 悅館臧下更嬰奶旨罷觀嬰奶所為其名亦善矣然

方誅號呼於市口當斷不斷反受其亂此其有謀明矣 巴矣何至誅其從官二百餘人以吾觀之其中從官必 觀昌邑王與張敞語真風狂不慧者爾烏能為惡廢 貶其論兵連禍結至漢幾亡可以為後世君子之戒 安 知也安國揣知上意所向故自屈其議以信恢爾不 國 謀光者光知之故立廢賀非專以溫亂故也二百 所論殆天下所以存亡者豈計於謬巧哉安國少 霍光疏昌邑王之罪 東坡全集

耶 始予觀充國策先零匈奴情偽曰何其明也又觀遣彫 王數紂之罪孔子猶且疑之光等疏賀之惡可盡信 趙 充國用心可重

定匹庫全書

巷九

其事秘密無緣得之著此者亦欲後人微見其意也

屯田十二利專務以恩信積殼招

降以謂此從容以義

卷中告諭阻辛武賢先攻军开守便宜不出師畫

兵與夫逞許該疲人於一戰者絕殊最末觀其語

校曰諸君皆便文自管爾非為公家忠計也語即中曰 子皆用其心如充國則古今天下豈有不治者哉當觀 嫌代一時事以欺明主哉老臣不以餘命為陛下 何言之不忠也吾固以死事之語治星賜曰吾老矣 如是 公卿士大夫之議曰法當然奈何觀於外將之 能言一事其言不用則於語於人曰某事吾常言 死誰當復言之卒以其意白上云嗚呼使有位君 不當違記也凡在我一入一出未有止障也 言

東坡全集

ニナニ

盆 心人臣常道爾然與充國同時在漢廷人未聞旨然 也豈特才不及充國忠又不如可數也夫充國之 可重也予既 國 獨 守而不欺豈復有哉而以餘命受禄位者併 "然故可重也暗今之人 用也我則無負終不更犯顏色往復論也况 **奉疑用之遂無勞兵下悉冠不** 觀 充國而感令之人又觀宣帝與之 不 及往時速矣則充 ·知其能 用 而 肩

四庫全書

亦遇主然也噫宣帝充國可重也况三代君臣問

曾子曰自吾母而不 君子之所甚惡也雖若孝弟者猶所不與以德報怨 事 美者也然孔子不 其肯有欺上上其容有問然乎而觀揚子雲賛不及 君也班 區區論功爾功古今豈無大者哉不若原其心以 不辨盗嫂亦士之高行矣然非人情其所以蒙垢 直 固又不出語山東氣俗故著云爾 不疑買金價 取者以其不情也直不疑買金價 用吾情吾安所用其情故不情 東坡 七 全集 二 十 四 厲カ 者

蒙垢以求名周仁穢迹以求利均以為安安之為言知也 巢由不受堯禪堯舜不害為至德夷齊不食周栗湯武 太史公之論後世莫曉者吾是以疏解之 不害為至仁故孔子不廢是說曰武盡美矣未盡善 曰塞侯微巧周仁處諂君子識之為其近於佞也不疑 誣 非不求名也求名之至者也太史公窺見之故其賛 揚 雄言許由 卷九十二

揚雄者獨何人乃敢廢此曰允哲堯禪舜之重則不

西漢 也 驕 伉 之 士 一哉於 簡 誠 由矣陋哉斯言使夷齊不經孔子雄亦且廢之矣 而云爱幸於河南太守具公此等語甚可鄙 矣 風 紙 知揖遜之水尚汗牛腹則干戈之栗豈可溷夷齊 作衛青傅不名青但謂之大將 俗 西漢 謟 此知聖人以位為械以天下為牢底乎其不 媚 風俗 不為流俗所移唯汲長孺耳司馬遷至 謟 媚 東坡全集 軍賈誼何等 而遷

武帝罪戾有增無損宣帝治尚嚴因武之甚至王嘉為 其重也至孝文始罷肉刑參夷之誅景帝復孥戮鼂錯 此也而答者不能盡吾亦嘗於上前論之 衰言嘗發策學士院問兩漢所以亡者難易相反意在 知習俗使然也本朝太宗時士大夫亦有此風至今未 庆 匹庫全 · 始輕減法律逐至東京因而不改班固不記其事事 仍秦法至重高祖固非虚主然目所見以為常不知 兩漢用刑輕重不同

衰因上書乞增重律法賴當時不從其議此如人年少 事可不記乎統乃言髙惠文景以重法與哀平以輕法 見梁統傳固可謂疎略矣嘉賢相也輕刑又其盛德之 不懼乎 年可予統亦東京名臣一出此言遂獲罪於天其子 · 球皆死非命冀卒滅族嗚呼悲夫戒哉疎而不漏可 不節酒色而衰老後雖節而病見此便謂酒色可以 形漢之元臣

文已日長 A MAS

東坡全集

主

議 也世 兵不肯捐父母背城主而十里送公其離散逃亡可 郎 一蜀菜公不可武臣中獨髙瓊與菜公意同耳公既 之意則雖信都之兵猶難會也何者公既西則即 者以謂可因二都兵自送還長安惟邳形不可以為 行此策豈徒空失河北必更驚動三輔公若無復 漢之元臣也景德契丹之役羣臣皆欲避狄江南 及河北獨 祖感其言而止蘇子曰此東漢興亡之决邳 '鉅鹿信都為世祖堅守世祖既得二郡 鄲

月生き

卷九十二

東漢肅宗時穀貴經用不足尚書張林請以布帛為租 官 傑也 自者鹽且行均輸獨朱暉文季以為不可事既寢 上乃大驚始决北征瓊之言大略似 固為安全但恐扈駕之士中路逃亡無與俱西南者 非張林均輸 而

欴

定四事全書

東坡全集

ニナセ

瓊至乃言避狄為便公大驚以瓊為悔也已而徐言避

之力上曰卿文臣豈能盡用兵之利菜公曰請召髙瓊

令以下惶怖謂 怒 均輸之法與買販無異鹽利歸官則下人窮然布帛為 曰行年八十蒙恩得在機密當以死報若心知不可 議黃髮無愆詔書過也何故自緊暉等因稱病篤尚書 不言有無諸侯不言多寡食禄之家不與百姓爭利 陳事者復以為可行帝頗然之暉復獨奏曰王制天子 切責諸尚書暉等繁獄三日部出之曰國家樂聞駁 則吏多姦盗皆非明主所當行帝方以林言為然發 1 單日今林得譴奈何稱病其禍不細 暉

文季傳感數不已肅宗號稱長者詔書既已引 其事後數日詔使直事郎問 口不 而諸尚書為可笑也云其禍不細 **暉乃起元祐七年七月二十一日偶讀後漢書** 矣諸尚書何怖之甚也文李於此時强立不足 復言諸尚書不知所 為乃共劾奏暉帝意解 "暉起居狀大醫視疾太官 不知以何等為 罪而

雷同負臣子之義今耳目無所

聞見伏待死命隊

三

Z1 14.10

東坡全集

以帝不悅後不甚進用為莫大之禍也悲夫

曹 豐為明主謀而不忠不惟無罪乃有賞為庸主謀而忠 賞固不可得而禍隨之今吾知孟德本初所以與亡者 魏武帝既勝烏桓曰吾所以勝者幸也前諫我者萬全 計也乃賞諫者曰後勿難言來紹既敗於官渡曰諸 聞吾敗必相哀惟田别駕不然幸其言之中也乃殺 周瑜年少有美才謂可游說動也乃客下揚州 曹衣與亡 雅 量

克

月五十二

卷九 十二

客 異良苦遠沙江湖為曹公作 曲後三日瑜請 無乃逆詐矣乎瑜曰吾雖 里中間 知已之主外託 飲燕示之侍者 乃布衣褐中自託私行計瑜瑜出迎之立謂幹 隅 别 遇聞芳烈故來飲 服 幹同觀營中行視倉庫 君臣之義內結骨肉之思言行計 節珍玩之物因謂幹曰丈夫處世 不及變曠聞經賞音足 說客耶幹曰吾與足 八潤并觀 雅規而云說 軍資器仗記

東坡全集

ニナル

九江將幹往見瑜幹有儀容以才辯見稱獨步江

曹操既得志士人靡然歸之茍文若盛名猶為之經營 謀處一旦小異便為謀殺邢昱程嘉之流不足數也 能用公瑾之流度外之士哉 其辭豈足下小生所能移乎幹笑而不言遂稱瑜雅量 致非言解所間中州之士以此多之蘇子曰曹孟 用皆為人役者也以子房待文若然終不免殺之豈 定四庫全書 福共之假使蘇張更生勵叟復出猶將無其背而折 管 幼安賢於首孔 卷九十二 德

鉱

駕 海 為 文舉奇逸博聞志大而才陳每所論建報中操意况肯 唐彬與王據伐呉為先驅所至皆下度孫皓必降未至 險 表其視曹操父子真穿衛斗箭而已終身不屈 取卿夫温之才百倍於嘉所以云爾者自知其陰 用然終亦不免桓温調孟嘉曰人不可以無勢我能 而殺予以謂 不為髙人勝士所比數兩管幼安懷實逃世就 彬 賢於文若文舉遠矣 既

東坡全集

丰

釘 可改逐用彬此言進退無據宣有人如唐彬而貪財者 問文立立云彬多財欲而宗嗜酒帝曰財欲可足酒不 廢 功當時有識者莫不髙彬此舉予讀晉書至此未當 定四庫全書 郭二百里許 稱疾不行己而先到者爭財後到者爭 卷太息也然本傅云武帝欲以彬及楊宗為監軍以 、貪財乃遠不如皆酒何可用也文立者獨何人斯 酸 阮 賢者 籍

世之所 滅 繩 虱 國 都 墨行 上欲 之處 乎逃乎深縫匿乎敗絮自以為吉宅也行不 草虱 不 謂 敢 圖三公下不失九州 欲為目前 禪中予此阮籍之智懷本趣也籍未嘗臧否人 ,君子者惟法是脩惟禮是克手執圭壁足履 處於種中不能出也君子之處域內何異夫 出 褌 襠自以為得絕墨也然炎丘火流焦邑 檢言欲為無窮則少稱 牧獨不見夫草虱之處 鄉黨長聞 敢 離 褌

口不及世事然禮法之士疾之如仇

雠獨

頼司馬景

丰

東坡全集

)

於衣禪中間者也安能笑禪中之藏乎吾故書之為將 晉士浮虛無實用然其間亦有不然者如孟嘉平生無 來君子一笑戊寅冬至日 平生輕殷浩豈妄許人者哉乃知孟嘉若遇當作 謝安不遇不過如孟嘉也 然桓温謂嘉曰人不可以無勢我乃能駕馭即桓 孟嘉與謝安石相若

王保持之爾其去死無幾以此論之亦虱之出入往來

万四月在書

庾亮白蘇峻孔坦與陷回共說王導及峻未至宜急斷 步來若以伏兵邀之可一戰而擒亮又不從事 果由小丹陽經秣陵迷失道逢郡人執以為向尊夜 又說亮峻知石頭有重戍不敢直下心向小丹陽 之亮以為峻若徑來是襲朝廷虚也不從及峻將 來可往逼其城今不先往峻必先入有奪人之心尊 陵之界守江西當利諸口彼少我衆一戰決矣若峻 庾亮不從孔坦 陷回言

東坡全集

王濞 言 七 猶 國 國侍事 如李文饒輔 速 揂 及 庫 掩耳吳破 入朝 馳行入梁 能一旦合從俱反也 不 分亮聞之深悔 全書 至覆國幾於滅亡也見 仍 於 祭 而 車之部 楚之郊 則 大兵隨之吳若不朝 **發固上策** 諸 侯 吾 故漢不 或分遣使者發 服 シス 若不 謂 矣又當獨 名、 知具心及不先未 錯 敗吾當謂 能 峻固失計 削七國大 忠决欲發者 便可進 罪 其兵諸 狀 吳而 秋 晁 類 討 岩 則 能 國 此 白 疾 亞 客 可

曰若吾家君眠食大减即出此書方回見之曰是兒 都嘉 實既死留其所與桓温密謀之書一簽屬其門生 國以合諸侯之交此妄庸人也 君之故而不念其子嘉實可謂孝子方回可謂忠臣 愛莫加於父子今嘉賓以父之故而暴其惡名方回 晚矣乃不復念予讀而悲之曰士之所甚好者名也 都方回都嘉賓父子事 東坡全集 11-11

反備既備反而後調兵食此真兒戲也又一旦而削七

禍使郊氏父子能如此吾無間然者矣 之曰汝真癡即乃欲以女與兵坦之是以不與桓温 其孝可廢乎王述之子坦之欲以女與桓温述怒排 曰採對採非無以下體嘉賔之不忠不待誅絕而明者 也悲夫或曰嘉賓與桓温謀叛而子以孝子稱之可乎 君不得與臣下爭善同列爭善猶以為好可以君父 好臣子子晋宋間人主率 與臣下爭作詩寫字故 晉宋之君與臣下爭善 坦

鈁

定四庫全書

之妾也 齊高帝云吾當使金土同價意則善矣然物豈有此理 爭善豈惟無人君之度正如妬婦不獨禁其夫乃妬人 作漢文勝賈生之論此非獨求勝其臣乃與異代之臣 齊馬帝欲等金土之價 東坡全集 三十四

於文帝乃所以為文帝之盛德也而魏明乃不能堪遂

文帝言久不見賈生自以為過之今乃不及非獨無損

多累句王僧虔用拙筆以避禍悲夫一至於此哉漢

為之哉而孟子亦自忘其言為故栗如水火之論金之 者哉孟子曰物之不齊物之情也巨履小屢同價人豈 宋明帝詔答王景文其略曰有心於避禍不若無心於 時大辟編四海也 可封禁之民比屋可誅信此說則堯時諸侯滿天下禁 任運干仍之木既推於斧斤一寸之草亦悴於践問 可使賤如土猶土之不可使貴如金也堯之民比屋 王景文

景 也 此 刺 一言近於達者然明帝竟殺景文哀哉哀哉景文之死 我百口計乃謂客曰此 詔言朕 客故甘心於履危未必強禍從意於處安未必全福 文正與客暴竟飲子納益中徐謂客曰有 畢萬七戰皆獲死於牖下蜀將費禕從容坐談斃於 州中文武可以一奮景文曰知 至未飲門生焦度在 不謂 卿有罪然吾不能獨死請子先之詔至 側 酒不可相 傾酒抵地曰丈夫安能 卿至心若見念者 勸乃仰飲之蘇子 語見賜

東坡全集

欽 唐髙祖起兵汾晋間時子建成元吉楚哀王智雲皆留 王所逼髙祖逼於裴寂亂宫之事不暇復為三子性 故 間道赴太原智雲幼不能逃為吏所誅高祖以父子之 河東護家高祖起兵乃客召之隋購之急建成元吉能 曰死生亦大矣而景文安之豈貪權竊國者子明帝可 定四庫全書 不知人者矣 不能少緩義師數日以須建成等至乎以此知為秦 唐太宗借隋吏以殺兄弟

唐 成元吉之惡亦孔子所謂下愚之歸也敗 舊史皆曲為太宗潤 公時童子化為雄雌鳴陳倉雄鳴南陽童子曰得雄者 計矣太宗本謀於是時借隋吏以殺兄弟其意甚明 得雌者霸文公得其雌遂雄諸侯光武得其雄 太宗時飛雉 有四海陛下本封秦故雌雄並見以告明德上悦 褚遂良以飛雉入宫為祥 數集官中上以問褚遂良良曰告秦文 節殺兄弟事然難以欺後世矣建 東坡全集 ミナホー

寶也豈常班子今見维即謂之實猶得白魚便自比武 人不可以無學遂良所謂多識君子哉予以謂秦姓 此謟 祥諫也遂良非不知此拾問耳而 社稷之辨不可不祭也漢之稱社稷臣者如周勃 佞之甚愚瞽其君者而太宗喜之史不識馬野 李靖李勣為唐腹心之疾 數入宫中此正災異使魏 絳侯功臣非社稷臣此固有為而言也然功 徴在公以高宗門 取陳寶非忠臣也

歃

謂 蕭望之之流三人者非有長才也勃以重厚安劉 稷之寄存亡之幾此兩人者盖情 能以少擊衆 膏盲不可為也李靖李動可謂功臣終始為唐之 手足人有斷一 以忠義弭淮南之謀望之確然不奪於恭顯孔子 也然其所為 臣 以道事君者即 止衛霍韓彭之流爾疆 使 指與一足未及於死也腹心之病 敵人望而畏之 僕 當調 社稷之臣 此 固 不 任 場之事 之有 馬 如腹心功 太宗 夷 矣 狄 欲 内 臣 所 則

東皮全集

欽定四庫全書 呉元濟以蔡叛犯許汝以驚東都此豈可不討者也當 言而可以與那一言而可以喪那者豈其然乎 元成折封倫之論使太宗不失行仁義孔子所謂有一 之病大矣張釋之戒嗇夫之辨使文帝終身為長者 武氏之禍戮及襁禄唐室不絕如緩則二人者為腹 髙麗靖已老矣而自請 不敢自焚之禍高宗立武后勣以陛下家事無問外 白樂天不欲伐 准於 将兵以堅太宗贖武之志幾成

有 懷况欲弊所恃以勤無用乎悲夫此未易與俗士談 海圖屏風者可見其意且注云時方討准祭叛吾 議者欲置之固為非策然不得武装二傑士事亦未 知仁人君子之於兵盖不忍輕用如此准察且欲 也白樂天豈庸人哉然其議論亦似欲置之者其詩 韓愈優於揚雄

愈亦近世豪傑之士如原道中言語雖有疵病然自

東坡全集

三十八

他有見識豈干餘年後便斷得如此分明如揚 而後仁失仁而後義失義而後禮則不識道已不成言 曰孟子醇乎醇荀楊擇馬而不精語馬而不詳若不是 孟子之後能將許大見識尋求古人自亦難得觀其斷 語却言其言道德則有取揚子亦自不見此其與韓 本之言為無取尚可恕如老子言失道而後德失德 取岩以老子剖斗折街 之言道德則有取馬爾至於抱提仁義絕減禮樂為 而民不爭聖人不起為救時

用事者不得對宫掖 移人既得用 **| | | | | | | | | | |** 後漢宦者傳論云孫程定立順之功曹騰參建桓 與梁冀比拾清河而立。五五此漢之所以七也 既 禹錫文過不悛 國事豈可同日而 敗為書自解言王权文實工言治道能以 所施為人不以為當太上久疾宰相 事私 建 語 桓立順 哉禹錫乃敢以為比 功歸貴臣由是 及

東皮上

去遠矣

新定四庫全書 舟中讀文選恨其編次無法去取失當齊梁文章衰陋 禹錫傅有所感書此 小人為姦雖已敗猶不悛也其可復置之要地乎因讀 評文選四首 文選去取失當

首以知其餘人忽遺者多矣消明作閒情賦所謂國風

言皆偽而不能辨今觀淵明集可喜者甚多而獨取數

而蕭統尤為早弱文選引斯可見矣如李陵書蘇武五

譏 色而不淫正使不及周南與屈宋所陳何異而統大 盡發見况伯皆女乎又琰之流離為在父没之後董 子玄辨文選所載李陵與蘇武書非西漢文盖齊梁 傅本蘭花詩東京無此格也建安七子猶含養主角 擬今日讀烈女傅蔡琰二詩其詞明白感慨頗類世 文士擬作者也吾因悟陵與蘇武贈答五言亦後 之此乃小兒彊作解事者 劉子玄辨文選

欴

定回車公書

東坡全集

四十

卓既誅伯皆乃遇禍今此詩乃云為董卓所驅虜入胡 李善注文選本末詳備極可喜所謂五臣者真俚儒之 **慝暴三殇此禮所謂上中下殇言暴秦無道發及孥稚** 可以一笑也 陋者也而世以為勝善亦謬矣謝瞻張子房詩云苛 知其非真也盖擬作者疏略而范曄荒淺遂載之本 李善注文選

也而乃引苛政猛於暴虎吾父吾子吾夫皆死於是謂

五 不足言故 五臣注文選 不 言

與父為殤此豈非

俚

儒之荒陋者子諸如此類甚多

羯妝 潦 臣注文選盖荒陋愚儒也今日偶讀私中散琴賦云 故音痺弦長故微鳴所謂痺者猶今俗云妝聲 出 兩年之間速則有数故曰間途微鳴云者

欽

定四庫全書

東坡全集

五臣皆不晓妄注又云廣陵止息東武大山飛龍

謂泛聲也弦虚而不接乃可按故云弦長而

微

注云八曲其他淺妄可笑者極多以其不足道故略之 東坡全集卷九十二 **鹍鷄游弦中散作廣陵散一名止息此特一曲爾** 三人論難豈亦序即其餘謬陋不一亦即舉其一耳 也而統謂之序大可笑也相如賦首有子虚烏有亡 舉此使後之學者勿憑此愚儒也五臣既陋甚至 亦其流爾宋玉島唐神女賦自王曰唯唯以前皆

中散流人間者終何矣而三槐王氏得之為多子孫世 太平天縱之能溢于筆墨搞藻尽索之上美翰團扇之 欽定四庫全書管要卷一萬四千九百二十五集部 日行于天委照萬物之上光氣所及或流為慶雲結為 丹砂初豈有意哉太宗皇帝以武功定禍亂以文德致 東坡全集卷九十三 書後二十八首 書王與所藏太宗御書後

守之遂為布代之實文正之孫懿敏之子與出以示臣 金质四月生主 軾敬拜手稽首書其後 書諸公送周梓州詩後

海之意而正孺亦慨然有歸數之數遂請梓州得之予 予自元祐之初備位從官日與正孺游三年予既有江 以詩送行有掃索陰踵畫像之語旋出領杭州二年

選朝老病日加方上章請那日正孺已及瓜矣盍往片

|遂歸老眉山乎或曰不可梓人之安正孺甚矣其去

始 上除正孺直秘閣士大夫以才能論議取合一時可也 正孺如去父母子其忍奪之乃止不敢乞梓人願復借 愧難矣正孺有書來欲刻諸公送行詩於石求予為跋 正孺數年的許之而大丞相日公典領實録見熙寧 AND DEPT OF ALION IN 人於十年之後徐觀其所為心服而無異議我亦無 正孺為御史時所言事歎曰君子哉斯人也因言于 一日忘也 一所聞以遺之且使样人知予前詩卒章之意未 東坡全集

食人先被之以威而不懼之人威無所從施數有言虎 置二小兒沙上而完衣於水者虎自山上即來婦人倉 無終無所試之然曩余聞忠萬雲安多虎有婦人晝日 子由書孟德事見寄余既聞而異之以為虎畏不懼已 其理似可信然世未有見虎而不懼者則斯言之有 觸庶幾其一懼而兒癡竟不知怪虎亦卒去意虎之 沉水避之二小兒戲沙上自若虎熟視久之至以首 書孟德傳後 道者無所挾而安居士之於五物捐世俗之所爭而 蘇子曰居士可謂有道者也或曰居士非有道者也有 山 之無足怪者故書其末以信子由之説 不食醉人必坐守之以俟其醒俟其懼也有人夜自外 人之不懼皆如嬰兒醉人與其未及知之時則虎畏 下月明處則虎也是人非有以勝虎而氣已蓋之矣 見有物蹲其門以為猪狗類也以杖擊之即逸去至 書六一居士傳後

東坡全集

悲今居士自謂六一是其身均與五物為一也不知其 有 一者感也釋五物而後安者又感也且物未始能累人 間其孰能有之而或者以為已有得之則喜喪之則 所棄者也爲得為有道子蘇子曰不然挾五物而後 於其間故曰居士可謂有道者也雖然自一 人者以吾有之也吾與物俱不得已而受形於天地 軒裳圭組且不能為累而况此五物予物之所以能 物有之也居士與物均為不能有其孰能置

士循可見也與五為六居士不可見也居士殆將隱矣 上登瑯琊臺觀出日樂之忘歸從點首三萬家臺下刻 秦始皇帝二十六年初并天下二十八年親巡東方海 年而蜀人蘇軾來守髙密得舊紙本於民間比今所見 石頌秦徳馬二世元年復刻詔書其旁今頌詩亡矣其 年歲在壬午至今熙寧九年丙辰凡千二百九十 臣姓名僅有存者而二世詔書具在自始皇帝二十 書鄉琊家後

東坡全集

鮮于子敞作楚詞九誦以示軾軾讀之茫然而思喟然 及皆不可廢後有君子得以覽觀馬正月七日甲子記 至密助好古善家得季斯用筆意乃摹諸石置之起然 **猶為完好知其存者磨滅無日矣而廬江文勋適以事** 而數曰嗟乎此靜之不作也久矣雖欲作之而聽者 臺上夫秦雖無道然所立有絕人者文字之工世亦莫 書鮮于子駿楚詞後

子譬之於樂變亂之極而至於今凡世俗之所用皆夷

一金定四庫全書

壅 本有不坐睡竊笑者也好之而欲學者無其師 者方欲陳六代之物弦匏三百五篇梨然如曼金電撞 必當從事於此而後知其難且工其不學者以為芮然 寐於千載之上追古屈原宋玉及其人於冥宴續微 之而欲傳者無其徒可不悲哉今子駁獨行吟坐思語 將墜可謂至矣而覽者不知其貴益亦無足怪者彼 己元豐元年四月九日趙郡蘇軾書

東坡全集

聲夷器也求所謂鄭衛者且不可得而况於雅音乎學

余之所間湯泉七其五則今三子之所遊與秦君之賦 書遊湯泉詩後

與渝州之陳氏山居也皆棄於窮山之中山僧野人 謂匡廬汝水尉氏驪山其二則余之所見鳳翔之略 浴糜鹿猿猱之所飲惟驪山當往來之衝華堂玉

|程獨為勝絕然坐明皇之累為楊李禄山所污使口台

之士接筆睡罵以為亡國之餘辱莫大馬令惠濟之泉

獨為三子者咏歎如此豈非所寄僻遠不為當塗者所

恩而後得為萬人逸士與世異趣者之所樂乎或日明 管聞之於公予昔以西京留守推官為館閥較勘時同 戴亦非泉之所病也泉固無知於榮辱特以人意推之! 皇之累楊李禄山之行泉豈知惡之然則幽遠僻恆之 年丁寶臣元珍道來京師夢與予同舟沂江入一廟中 右歐陽文忠公為峽州夷陵令日所作苗牛廟詩也 可以為抱器適用而不擇所處者之戒 書歐陽公黃牛廟詩後

東足日車 全書

東坡全集

贬夷陵令日與元珍處不復記前夢云一日與元珍亦 有石馬繁祠門之句蓋私識其事也元豐五年較謫居 珍下而門外鐫石為馬缺一耳相視大騰乃留詩廟中 為起鞠躬堂下且使人邀予上耳語久之元珍私念神 拜謁堂下予班元珍下元珍固解予不可方拜時神像 而語予固其識也不數日元珍除峽州判官已而余亦 認黃牛·廟入門惘然皆夢中所見予為縣令固班元 如世俗待館閣乃爾異禮耶既出門見一馬隻耳覺

黃州宜都今朱君嗣先見過因語峽中山水偶及之生 古令畫水多作平逐細皺其善者不過能為波頭起伏 言有味故為録之正月二日眉山蘇軾書 人力如石馬一耳何與公事而亦前定况其大者公既 君請書其事與詩當刻石於廟使人知進退出處皆非 所禮而循謂之淫祀以見其直氣不阿如此感其 書浦永昇畫後

大王日奉公上

東坡全集

人至以手捫之謂有窪隆以為至妙矣然其品格特

法中絕三十餘年近歲成都人清永昇嗜酒放浪性與 微欲於大慈寺壽寧院壁作胡難水石四堵營度經歲 始出新意畫奔湍巨浪與山石曲折隨物賦形盡水之 畫會始作活水得二孫本意自黃居家兄弟李懷家之 史而成作輸寫跳感之勢沟沟欲崩屋也知微既死筆 印板水紙爭工拙於毫釐間耳唐廣明中處士孫位 不肯下筆一日倉皇入寺索筆墨甚急奮袂如風須 稱神逸其後蜀人黃筌孫知微皆得其筆法始知

時董羽近日常州戚氏畫水世或傳寶之如董戚之流 去遇其欲畫不擇貴賤項刻而成當與余臨壽寧院水 為立永昇令老矣畫亦難得而世之識真者亦少如往 作二十四幅每夏日掛之高堂素壁即陰風襲人毛髮 灾足日 阜 A A A A 可謂死水未可與永昇同年而語也元豐三年十二月 八日夜黄州臨皋亭西齊戲書 東坡全集

流皆不及也王公富人或以勢力使之永昇輒嘻笑捨

皆如此可以發千載之一笑 其遇禍深與神皆安在乎群兒妄作名字自相刻畫類 之言與何晏等皆有盛名然卒陷曹與黨中玄亦不免 李豐之禍晏目玄以易之所謂深者而玄目晏以神及 魏氏春秋云夏侯玄著樂毅張良及本無肉刑論辭旨 舉也而以為幾湯武豈不過甚矣乎初玄好老莊道德 1速傳於世然以余觀之燕師之伐齊循未及桓文之 書韓魏公黃州詩後 卷九十三

一黃人獨私以為龍豈其尊德樂道獨異於他邦也敷 黄州山水清遠土風厚善其民寡求而不爭其士静而 二公與此州之人有宿昔之與不可知也元之為郡守 亦曰吾元之也魏公去黄四十餘年而思之不忘至以 黃遷斬州沒于斬然世之稱元之者必曰黄州而黄人 然王元之韓魏公當辱居馬以誇於四方之人元之自 為詩夫賢人君子天之所以遺斯民天下之所共有而 朴而不恆雖問卷小民知尊爱賢者曰吾州雖逐小

東坡全集

禁雪堂蓋將老馬則亦黃人也於是相與募公之詩而 授書記者也而軾亦公之門人謫居於黃五年治東 錫圭壁之所在瓦石草木被其光澤矣何必施於用奉 以不忘乎元豐七年十月二十六日汝州團練副使 刻之后以為黄人無窮之思而吾二人者亦庶幾託 有他於民民懷之不忘也固宜魏公以家艱從其兄居 民何自知之詩云有匪君子如金如錫如圭如壁金 孫貴公素黃人也而客於公公知之深蓋所謂教

或曰龍眠居士作山莊圖使後來入山者信足而行自 訂 書李伯時山莊圖後

知其名遇山中漁樵隱逸不名而識其人此豈强 忘者乎曰非也畫日者常疑餅非忘日也醉中不以鼻 飲夢中不以趾捉天機之所合不强而自記也居士 己道路如見所夢如悟前世見山中泉石草木不問

在山也不留於一物故其神與萬物交其智與百工通

之居士畫之若出一人况自畫其所見者子 吾當見居士作華嚴相皆以意造而與佛合佛菩薩言 雖然有道有藝有道而不藝則物雖形於心不形於手 非禪師書也云謹此代申此乃唐末五代流俗之語耳 水禪師書骨氣深穩體兼眾妙精能之至反造疎淡如 ,帖中有云不具釋智永白者誤收在逸少部中然亦 发 屋 在 書 · 卷九十三 陶彭澤詩初若散緩不收及覆不已乃識其奇趣今 書唐氏六家書後

然馬周明其無此語太宗獨誅泊而不問周何哉此 放其實恐劉泊末年 觀其書勁嶮刻厲正稱其貌耳褚河南書清遠蕭散 而書亦不工歐陽率更書好緊拔群尤工於小楷島 河南固忠臣但有踏殺劉泊一事使人快快然余當 非知書者凡書象其為人率更貌寒寢敏悟絕人 使購其書高祖歎曰彼觀其書以為魁梧奇偉人 隷體古之論書者兼論其平生茍非其人雖工不貴 9 偏忽實有伊霍之語非 東坡全集 踏也岩

書者或不能真行此大妄也真生行行生草真如立行 長史真書郎官石柱記作字簡遠如晉宋問人顏魯公 如行草如走未有未能行立而能走者也今長安猶有 出於顏而能自出新意一字百金非虛語也其言心正 魏晉宋以來風流後之作者殆難復措手柳少師書奏 后朝許李所誣而史官不能辨也張長史草書頹然 放界有點畫處而意能自足號稱神逸今世稱善草 雄秀獨出一 變古法如杜子美詩格力天縱奄有漢

匹庫在書

卷九十三

之書過我遠矣而反求於予何哉此又未可晓也元豐 余云吾家有此六人書子為我畧評之而書其後林夫 之則其人可知矣余謫居黄州唐林夫自湖口以書遺 四年五月十一日眉山蘇軾書 其神情終有睢盱側媚之能不知人情隨想而見如韓 則筆正者非獨諷諫理固然也世之小人書字雖工而 謂竊斧者乎抑真爾也然至使人見其書而猶憎

東坡全集

各有本性而醫者用之所配不同則寒温補寫之效隨 用各别而自漢以來學者多以一字考經字同義異皆 信余當論學者之有說文如醫之有本草雖草木金石 凡學術之邪正視其為人鄭君信厚君子也其言宜可 新意然皆有所考本不用意斷曲說其疑者蓋闕馬 班楊賈許二李二徐之學其精者皆在問有未盡傳 陽鄭惇方字布道作篆髓六卷字義一篇凡古今字 之彫刻采繪必成其說是以六經不勝異說而學

曰地上有水比以建萬國親諸侯則比為善有子曰知 無聲則聞為君子又曰君子周而不比則比為惡而易 間為小人而詩曰允矣君子展也大成之子于征有聞 况欲以一字一之耶余爱鄭君之學簡而通故私附其 欲速朽此以八字成文然猶不可一曰言各有當也而 者疑馬孔子曰夫聞也者色取仁而行違居之不疑則 而和不以禮節之亦不可行也則所謂和者同而已 而孔子曰君子和而不同若此者多矣喪欲速質死

東坡全集

後 一缸定四庫全書 書吳道子畫後 卷九十三

變天下之能事畢矣道子畫人物如以燈取影逆來順 之於沒自三代歷漢至唐而備矣故詩至於杜子美文 至於韓退之書至於顏魯公畫至於吳道子而古令之 知者創物能者述馬非一人而成也君子之於學百工

- 往旁見側出横斜平直各相乘除得自然之數不差毫

末出新意於法度之中寄妙理於豪放之外所謂遊刀

日書 以達吾心畫以適各意而已昔閻立本始以文學進身 卒蒙畫師之恥或者以是為君病余以謂不然謝安石 松陵人朱君象先能文而不求舉善畫而不求售曰文 其主名至於道子望而知其真偽也然世罕有真者如 全叔所蔵平生盖一二見而己元豐八年十一月七 地運斤成風蓋古今一人而已余於他畫或不能必 書朱泉先畫後

東皮全集

缸 潘岳使彈終日達夜無忤色識者知其不可崇辱也使 琴無貴賤長幼皆為彈神氣冲和不知向人所在內 使立本如子敬之髙其誰敢以畫師使之阮千里善 使王子敬書太極殿榜以韋仲將事諷之子敬曰仲 定 魏之大臣理必不爾若然者有以知魏徳之不長也 四庫全書 吸其旁也元祐五年九月十八日東坡居士書 王公貴人其何道使之遇其解衣盤磷雖全亦得 如千里之達其誰能以畫師辱之令朱君無求

一架走珠如珠走縣無不可者若出新意而棄舊學以 謂 敌 之佛 **伽阿跋多羅寶經先佛所說微妙第一真實了義故** 惟 非愚無知則狂而已近歲學者各宗其師務從 一句一偈自謂了證至使婦人孺子抵掌嬉笑爭 書楞伽經後 楞伽四卷可以印心祖祖相受以為心法如醫 經句句皆理字字皆法後世達者神而明之 語心品祖師達磨以付二祖曰吾觀震旦所有

<u>.</u>

東坡全集

五五

不可同日語矣世人徒見其有一至之功或捷於古 一張公安道以廣大心得清淨覺慶歷中嘗為滁州 上於所以寂寥於是幾於而僅存也太子太保樂全去 微矣譬如俚俗醫師不由經論直授方樂以之療病 讀者或不能句而况遺文以得義忘義以了心者? 禪悦髙者為名下者為利餘波末流無所不至而佛 不或中至於遇病輒應懸斷死生則與知經學古去 難經不學而可豈不誤哉楞如義趣幽耿文字简

首四偈發明心要軾游於公之門三十年矣今年二月 大師了元曰印施有盡若書而刻之則無盡軾乃為書 經且以錢三十萬使印施於江淮間而金山長老佛印 遇南都見公於私第公時年七十九幻滅都盡恵光 一僧舍偶見此經入手悅然如獲舊物開卷未終夙障 而軾亦老於憂患百念灰冷公以為可教者乃授此 細視筆畫手迹完然悲喜太息從是悟入常以經

之而元使其侍者晓機走錢塘求善工刻之板遂以為

東坡全集

田田田台

中沙與飯皆熟若不含糊與飯俱嚥即須吐出與沙 金山常住元豐八年九月日朝奉郎新差知登州軍州 棄善哉佛子作清淨飯淘米去沙終不能盡不如即 子見父厭離之極婦雞出湯不極不至心地不淨如飯 無所厭離何從出世無所欣慕何從入道欣慕之至亡 兼管內勸農事騎都尉借継蘇軾書 所自種元無沙米此米無沙亦不受沙非不受也無 書黃魯直李氏傳後 卷九十三

太安楊氏世出名僧正信表公兄弟三人其一曰仁慶 書正信和尚塔銘後

皆有高行而表公行解超然晚以行覺三人皆與吾先 故眉僧正其一曰元俊故極樂院主令太安治平院也

除將入朝表公適臥病入室告別霜髮寸餘目光瞭然 大父職方公吾先君中大夫遊相善也熙寧初軾以服

骨盡出如畫須菩提像可畏也輕盤桓不忍去表曰行

東坡全集

受處故

完而上未具吾安寢其中民將載之上壮而下撓疾 易曰君子得與民所載也小人剥盧終不可用也夫君 言生正信家千里從公無不可者然吾蓋未也已而果 子得與下完而上未具也小人剥廬上壯而下撓也 矣何處不相見軾曰公能不遠千里相從乎表突曰佛 無恙至六年乃寂是咸軾在錢塘夢表若告別者又十 五年其徒法用以其所作偈頌及塔記相示乃書其末 書晁無谷所作杜與子師字說後

言而妙於理者也 文約其義近不足以發夫人之志若無咎者可謂富於 完其下矣故予以是名字之與無咎意初無異者而其 不顧猶懼壓馬令君學修於身行修於家而禄未及既 書東皋子傳後

馬酣適之味乃過於客問居未當一日無客客至未當

钦定四車全書 人

東坡全集

喜人飲酒見客舉盃徐引則予胸中為之浩浩馬落落

予飲酒終日不過五合天下之不能飲無在予下者然

子曰待詔何所樂但美醖三升殊可戀耳令領南法不 東皋子待部門下省日給酒三升其弟静問日待部樂 吾為之體輕飲者因於酒吾為之酣適羞專以自為也 樂不飲而多釀酒劳已以為人何也予笑曰病者得樂 一莫若身無病而心無憂我則無是二者矣然人之有是 求者則與之而尤喜釀酒以飲客或曰子無病而多蓄 不置酒天下之好飲亦無在予上者常以謂人之至樂 接於予前則予安得全其樂乎故所至當當善樂有

子嘗論書以謂鍾王之迹蕭散簡遠妙在筆畫之外至 ·循梅五太守問復以酒遺予累計其所獲殆過於東皋 禁酒予既得自釀月用米一斛得酒六斗而南雄廣惠 為墓誌子蓋友其人於千載或庶幾馬 中矣東皋子與仲長子光游好養性服食預刻死日自 安能及客乎若予者乃日有二升五合入野人道士腹 子矣然東 是子自謂五斗先生則日給三升救口不 暇 書黃子思詩集後

東坡全集

曹劉之自得陶謝之超然蓋亦至矣而李太白杜子差 來髙風絕塵亦少衰矣李杜之後詩人繼作雖問有遠 以英瑋絕世之姿凌跨百代古今詩人盡廢然魏晉以 以為宗師而鍾王之法益微至於詩亦然蘇李之天式 而詩文高雅猶有承平之遺風其論詩曰梅止於酸鹽 而才不逮意獨韋應物柳宗元發纖穠於簡古寄至 顏柳始集古今筆法而盡發之極書之變天下翁然 於澹泊非餘子所及也唐末司空圖崎嶇兵亂之間

能文者子嘗聞前輩誦其詩每得佳句妙語及覆數四 其妙予三復其言而悲之閩人黄子思慶歷皇祐間號 識其所謂信乎表聖之言美在鹹酸之外可以一 其詩之有得於文字之表者二十四韻恨當時不識 子思篤行髙志為吏有異材見於墓誌詳矣予不復 三數也予既與其子幾道其孫師是游得窺其家集 東坡全集

〒

止於鹹飲食不可無鹽梅而其美常在鹹酸之外蓋自

鳴出涕既至海南耕者與屠者常相半病不飲樂但殺 **續外俗皆恬殺牛而海南為甚客自高化載牛渡海百** 以禱富者至殺十數牛死者不復云幸而不死即歸 舟遇風不順渴饑相倚以死者無數牛登舟皆哀 書柳子厚牛賦後

贞

匹

月全書

卷九十三

徳於巫以巫為醫以牛為藥間有飲藥者巫輒云神怒

而後已地産沈水香香必以牛易之黎黎人得牛皆以

不可復治親戚皆為却藥禁醫不得入門人牛皆死

·祭鬼無脱者中國人以沈水香供佛燎帝求福此皆燒 為幾句句為幾字字為幾畫其數無量而此字畫平等 懷楚比丘示我若達所書二經經為幾品品為幾偈偈 以遺瓊州僧道寳使以晚喻其鄉人之有知者庶幾其 少良乎庚辰三月十五日記 -內也何福之能得哀哉予莫能救故書柳子厚牛賦 無有高下輕重大小云何能一以忘我故若不忘 書若逵所書經後 東坡全集

余間世間凡富貴人及諸天龍鬼神具大威力者修 自然与平無有羅細如空中雨是誰揮灑自然肅散無 有疎密咨爾楚達若能一念了是法門於利那項轉 藏無有忘失一句一偈東坡居士説是法已復還其 盡之中已現二相而況多畫如海上沙是誰磋磨 書孫元忠所書華嚴經後

定匹库全書

一道難造種種福業易所發菩提心旋發旋忘如飽滿

鎮陽平山子龍靈變莫測常依覺實二大比丘有 厭棄飲食所作福業舉意便成如一 公之與此二大比 孫温靖公實能致龍與相廣友曰雨曰露惟 切龍服地行天飛佛在依佛佛成依僧皆以是 廟又恐血食與龍增業故上乞度僧以奉祠宇公 江河是故佛説此等真可畏怖 願力而 丘及此二龍公同事佛皆受 佛事觀公奏疏本欲為 念差失萬劫 滴水流入世間

東坡全集

世間待物如我待我如物予知此人與佛無二覺既圓 之爱龍如爱其身紙合作福不令造業若推此心以及 悉已見聞岩以此經置此山中則公與二士若龍在在 無量應感而元忠此心盡八十卷終始若一予知諸佛 處處皆當相見共度眾生無有窮盡而元忠與予亦當 定匹庫 無有一點 公亦棄世其子元忠為公親書華嚴經八十卷累 全書 一畫見怠惰相人能攝心一念專靜便 卷九十三

遠故大乘諸經至楞嚴則委曲精盡勝妙獨出者以房 簡正如子厚者蓋推本其言與孟軻氏合其可不使學 道學純備以謂自唐至今頌述祖師者多矣未有通亮 妙絕古今而南華今無刻石者長老重辯師儒釋兼通 融筆授故也柳子厚南遷始完佛法作曹谿南嶽諸碑 者畫見而夜誦之故具石請予書其文唐史元和中馬 釋迦以文教其譯於中國必託於儒之能言者然後傳 書柳子厚大鑒禪師碑後

一戰之幼子過其母同安郡君王氏諱閏之字李章享 桂帥所當請以是知唐史之誤當以碑為正紹聖三年 |總自處州刺史運安南都護徒桂管經界觀察使入為 退之祭馬公文亦云自交州抗節番禺曹谿諡號決非 四十有六以元祐八年八月一日卒于京師殯于城西 月九日 部侍郎今以碑考之盖自安南遷南海非桂管也韓 書金光明經後

为四周百言 !

表九十三

望豐報要當口誦而心通手書而身履之乃能感通佛 獨為恨也念將祥除無以申罔極之痛故親書金光明 惠濟院過未免喪而從較遷于惠州日以逐去其母之 也當云何見云何行載曰善哉問也吾常聞之張文 升濟神明而小子愚冥不知此經皆真實語那抑寫 母之往生也立而言於載曰書經之勞微矣不足以 公安道口佛乘無大小言亦非虚實顧我所見如何 四卷手自裝治送度州宗慶禪院新經藏中欲以資 東坡全集

縣若諸菩薩急於度人不急於成佛盡三界衆生皆成 寓旨非故楞嚴經云若一衆生未成佛終不於此取湟 耳萬法一致也我若有見寓言即是實語若無所見實)主军即化生相此四衆生相者與我流轉不覺不 苦修行幻力成就則此四相伏我諸根為湟槃相以 胎生相爱染留連附記有無即濕生相一 宠親拒受内外障護即卵生相壞彼成此損人亦 己 **为四届全書** 已我乃涅槃若諸菩薩覺知此身無始以來皆眾 卷九十三 切勿變為

無實終非我有者汝即 惡而業所驅迫深可憐憫者汝即布施如薩埵 實令汝若能為流水長者以大願力象取無礙法 汝流浪渴涸之魚又能觀諸世間雖甚可爱而虚 以此捨施如饑就食如渴求飲則道可得佛 也過再拜稽首願書其末紹聖二年八月一 剛 拾 離 如薩埵王子捨身雖甚 王子 Ð

東坡全集

产五

無有是處此二菩薩皆是正見乃知佛

語非寓

虚空中寫諸經法是人去後此寫經處自然嚴淨雨不 金 言惜此歲經止有半蔵乃知此法有一念在即為塵勞 苦有人受持諸經構心專妙常以手指作捉筆狀於 濕凡見聞者孰不赞歎此希有事有一比 何者為金我觀譚君孝慈忠信內行純備以是衆善 匹庫全書 可以聲求色見今此長者譚君文初以念親故 六塵清淨方此之時不見有經而况其字字不 取黄金屑書金剛經以四句偈悟入本心灌 卷九十三 丘獨拊掌 示

學完未及第時議娶其鄉人之女既約而未納幣也庭 由為齊州掌書記得其鄉間之言以告予曰庭式通禮 予昔為密州殿中丞劉庭式為通判庭式齊人也而子 法已復還其經 此經法缺陷不全是故我說應如是見東坡居士說是 莊嚴此經色相之外炳然煥 發諸世間眼不具正見使 書事四首 書劉庭式事

大型日本 4

東坡全集

式及第其女以疾兩目皆盲女家躬耕貧甚不敢復言 若緣色而生爱緣愛而生哀色衰愛弛吾哀亦忘則凡 或勸納其幼女庭式笑曰吾心已許之矣雖盲豈負吾 曰吾知喪吾妻而已有目亦吾妻也無目亦吾妻也吾 楊袂倚市目挑而心招者皆可以為妻也耶予深感且 ,娶盲女與之偕老義也爱從何生哀從何出乎庭式 心哉卒娶盲女與之皆老盲女死於密庭式喪之逾 而哀不衰不肯復娶予偶問之哀生於愛爱生於色

撫然 不信也昨日有人自廬山來云庭式今在山中監 晉元臣今庭式亦庶幾馬若不貴必且得道時坐客皆 其室思禮有加馬君子是以知叔子之貴也其後卒為 叔子娶夏侯霸女霸叛入蜀親友皆告絕而叔子獨安 以吾言之不妄也乃書以寄密人趙杲卿杲卿與庭式 絕粒不食已數年矣此豈無得而然哉聞之喜甚自 日子功名富貴人也或笑予言之過,予日不然甘之 觀面目实实有紫光步上下峻坂往復六十里

善且皆當聞余言者庭式字得之今為朝請郎果卿字 姓名號鐵羅漢者鬪於水濱至弱較之保伍方縛素 狄武襄公者本農家子年十六時其兄素與里人失且 居士書 找不逃死然待我救羅漢庶幾復活若決死者縛我 叔鄉貢進士亦有行義元豐六年七月十五日東坡 餉田見之曰殺羅漢者我也人皆釋素而縛公公曰 書伙武襄事

一節定匹庫全書

卷九十三

晚也衆從之公點祝日我若貴羅漢當蘇乃舉其尸 客夜話及之眉山蘇軾記 公諱仁霸眉山人以仁厚信於鄉里蜀平中朝士大夫 ·數斗而活其後人無知者公薨其子諮詠護喪 河父老為言此元祐元年十二月五日與詠同館北 得盜蘆菔根者實竊而所持刀誤中主人尉幸賞以 遠官閱選上人有行義者攝 外自祖程公逸事 東坡全集 公攝錄參軍眉山尉 二十

以至今公壽盡今日我為公荷擔而往暫對即生人天 之盗果稱宽移獄公既直其事而尉旅爭不已復移 聞狱掾受財掠成之太守将處囚囚坐無下泣涕衣 孫壽禄朱紫滿門矣公具以語家人沐浴衣冠就 竟殺盗公坐逸囚罷歸不及月尉禄皆暴卒後三十 濕公適過之知其冤作謂盜曰汝冤盍自言吾為汝 欲名公暫對我扣頭爭之曰不可以我故驚公是 公晝日見盗拜庭下曰尉禄未伏待公而决前此

傳云凱風寒泉之思實鍾厥心意悽然悲之乃記公之 學益盛而尉據之子孫微矣或謂盜德公之深不忍 **喜八十五曾孫皆仕有聲同時為監司者三人玄孫宦** 逸事以遺程氏庶幾淵明之心也 紹聖二年三月九日軾在惠州讀陶潛所作外祖孟嘉 公暫對可也而獄久不决豈主者亦因以苦尉掾也歎 而卒軾幼時聞此語已而外祖父壽九十舅氏始貴顯 南華長老重辯才逸事 東坡全集

ニナル

華吊其衆問塔墓所在衆曰我師昔作壽塔南華之 常見其紀予在錢塘親見二人皆趺坐而化萬既茶毗 契萬禪師常順人未當見其笑海月慧辯師常喜人未 語終日知其有道也予自海南還則辯已寂久矣過南 微笑乃知二人以瞋喜作佛事也世人視身如金玉 捨故常在豈不然哉予遷嶺南始識南華重辯長老 不能壞益薪熾火有終不壞者五海月比葬面如生 踵為盡土至人反是予以是知一切法以爱故壞

定

匹庫全書 一人

卷九十三

南華塔主可與師時元符三年十二月十九日 同異而已乃以名果真其塔而書其事以遺其上足 以飼鳥烏何有安以壽塔為明公知辯者特欲以 東坡全集 丰

數里有不悦師者葵之别墓既七百餘日矣今長老明

公獨奮不顧發而歸之壽塔改棺易衣舉體如生衣皆

芳衆乃大服東坡居士日辯視身為何物棄之**尸**陀


Lat. A. In

E

大

金页四月在書 東坡全集卷九十三 卷九十三

第四 謹案卷九十二第六頁前六行轍子由者刊本轍 批浮今改 **凯賴今改** 十頁前 一行所謂國風好色 而不淫 1.刊本 淫





腾绿監生臣江 载松對官庶吉士臣陳 墉總校官庶吉士臣張能照